

光  
圃  
集

戊午歲杪得於新津

國家圖書館 NATIONAL CENTRAL LIBRARY, TAIWAN, R.O.C.

德壽珍秘



老圃集

提要

臣等謹案老圃集二卷宋洪芻撰芻字駒父南昌人紹聖元年進士靖康中官至諫議大夫後謫沙門島以卒劉克莊後村詩話曰三洪與徐師川皆山谷之甥龜父警句往之前人所未道然早卒惜未多見駒父詩尤工陸游老學庵筆記亦極稱其竄海島詩烟波不隔還鄉夢風月猶隨過海身句蓋當時文士



頗重之然芻之竄也楓窻小牘謂坐為金人括財太峻頗稱其寃今考王明清玉照新志所載則芻實於根括金銀之時入諸王邸中以勢挾內人唱歌侍酒得罪名教殆不容誅當時僅斥海濱殊為佚罰其人如是其詩本不足重輕特其學有師承深得豫章之格但以文論固不愧酷似其舅之稱錄六朝人集者存沈約范雲錄唐人集者存沈佺期宋之問就詩言詩片長節取亦古來著錄之通例

也宋史藝文志載老圃集一卷久佚不傳宋詩紀事僅從諸地志類書中招撫數篇不及百分之一惟永樂大典所載尚得一百七十一首殆當時全部收入歟以篇帙稍多謹釐為上下二卷以便循覽焉乾隆五十年三月恭校上



老圃集卷上

宋 洪芻 撰

五言古

蓮華洞答友人

蓮峯聳崔巍在眼昔未到發興空盤紆舒寫屬吟嘯五  
老如有情遙岑動清眺新篇下紫霄語我遊歷妙物景  
會相忘煙霞領其要坐石掬清流綠雲晚奔峭悠然俛  
仰間無心乃同調偕遊會有期山靈勿騰笑

遊泐潭寺

吾聞石門山對峙儼天闕林茂山自青草香澗長碧中  
有古招提柱栱煥青赤惟昔馬大士方墳聳遺迹龍象  
仰慈顏馬駒識前識香火有因緣窻戶坐幽閒瓶錫想  
異時雲水飽遊歷飲波浥曹溪法雨被江國大闡選佛  
場法戰無兼敵我非山中人暫著登山屐東閣嘲書滄  
淨境酬詩癖朝涉潺湲溪暮陟崔嵬石敷牀聽捷椎鉢  
飯分香積山高日易斜夢短夜分寂禪心頗靈明俗慮  
詎充斥歸歟得短章投筆疥其壁如抱布鼓豈能飛霹  
靂徑須倩阿香轟然聽霆擊忽傳湯休篇風騷共推

激何當從君遊願飛恨無翼

次子字韻呈鄭太玉

斯文不可見猶欣識之子端如逃虛空而聞梵音喜歷  
歷海南事細話傾我耳悠々世上情毀譽私彼已是事  
姑置之斯文長已矣風味契淵明流落逾子美從來直  
如絃多作道邊死寄聲柳々州未用斬曲几

孤鶴行贈楊君

翩々雲中鶴來自華亭濱裴回久乃集佇立江之濱高  
步整霜羽隻影翔秋旻豈無鴻鵠侶俛仰鷄鶩羣啄腥

卷一  
細柳中汝食得無貧况有繒繳虞驚顧何處巡珠庭響  
清唳胎仙舞祥雲胡不矯翮去來儀瑞吾君飢食玉山  
禾渴飲瑤池津無言九臯遠鳴陰誰不聞

寄題貫時軒

古人憩息地不種凡草木數竿何必多可以慰幽獨忘  
憂翫芳草怡顏眄庭柯豈無豔陽節搖落將如何彼美  
軒中人澹然對浮雲此君有佳處心期暗相親蕭々四  
時色目擊道愈妙君看竹得風天然向人笑

因讀梅聖俞六鶴詩或令余別賦之

警露

皎々蟾桂明耿耿星斗爛清夢時々驚零露滴霄漢偉  
哉仙人騎從來知夜半

顧步

舉趾一何高脩頸宛回顧隻影踉蹌行眷然暮倚侶豈  
忘赤霄上盤桓此池籞

理毛

飄々青田質斂翼在亭臯回此碧玉喙刷我白雲毛顧  
影矜羽儀孔翠非其曹

唳天

清唳九臯內抗音薄層雲戛然時一鳴流響驚人羣嗟  
哉陸內史華亭無復聞

舞風

歸來丁令威暫別已千年抽琴奏清角婆娑舞胎仙何  
必拊節和御風自泠然

啄食

昂昂兀兀姿朱冠垂素翎首下尻益高裴回我中庭俯  
仰鷄鶩羣啄腐復吞腥

同師川過李三十九湖上宅用師川韻

多書唐鄴侯藹藹乘雲來髯公頗好事相過必遲回結  
構平湖陰清絕無纖埃數到不知遠君家寬酒盃遠水  
信杖屨披靡蓬蒿開遺基訪孺子荒墳弔澹臺誅茅卜  
隣並茲願何當諧七松未暇種五柳徑須栽

同陳虛中勸農出郊因遊明水山寺

深樹鳴鷄鳴紅紫春事休臨川賢假守只今陳太丘駕  
言出遠郊班春臨道周亦招素冠士來從朱轡遊晨興  
愜勝引適此夜雨收原隰亂高下意行逐前儔荒白



水滿鬱：穠秧抽舊聞。明水寺宛在，岳之幽石門。本無  
闕鳴禽，自相求不有。省耕後俗駕，來何由。老屋隱喬木，  
野僧事良疇。松徑深窈窕，軒車紛少留。遲回動歸興，衝  
雨戒摧輶。危情極水淵，細路遵塍溝。深泥艱涉足，竹鷄  
為我愁。豈憚來往頻，清與耳目謀。回首謝青山，尋盟亦  
悠悠。

贈倪濟少府

君從淮上來，手持阿髻詩。塵埃欣拂拭，得此帶經倪。珠  
璧豈投暗，按劍有餘悲。願保青雲姿，勿歎黃綬卑。太山

駐翠輦，行草封禪儀。漢皇儻借問，潤色非君誰。我非國  
僑賢，慙負延陵知。縞帶敢虛辱，贈言當紵衣。

次韻和鄭太玉新居

荒塗負崇岡，君居在其麓。下與佛界連，一徑通芻牧。高  
情慕天隨，枵腹茹杞菊。數椽負郭居，窈窕鑿空谷。憶昨  
步過君，窘侵步兩足。聽君疊：談霏屑落鏹，木相依。方  
在茲涼颼，蕩煩燠。

宴李氏園亭得慶字韻

我來北斗南，兩見回東柄。萬斛開府愁，四壁文園病。誰

知深巷中卉木頗幽夤大梁賢公子攜酒濱亦命紅蕤  
 已飄零綠綺方暉映豈惟追尋連亦苦風雨橫主賓混  
 誰何談笑雜嘲評詎知時雨靈但覺中酒聖年豐樂崇  
 寧詩敵躡長慶況有雷陳交何必宛洛盛律管涵飛灰  
 羲和駐春今日月曾幾何佳辰我所竟芍藥殿餘春想  
 見晨妝靚一醉歡有餘此集君其更

七言古

題黃稚川雲巢

按豫章續志分寧縣櫻桃洞黃公準讀書處公準字稚川雙井人結

茅于洞之顛號曰雲巢永樂大典作稚川誤

雲巢一上十五里中有今世巢居子鷄鳴犬吠白雲裏  
 不知天際去此幾平生深契鳥巢禪剪茅蓋頭萬事已  
 宴坐經行飛鳥上人間榮辱不到耳蝸牛兩角竟何為  
 鷓鴣一枝端自喜我有一廬落城市章服裏狙聊復爾  
 武夷未訪桃花源脩江儻問桃花水會取櫻桃洞前路  
 藜杖扶衰從此始

戲用荆公體呈黃張二君

金華牧羊兒穩坐思悠哉誰人得似張公子鞭笞鸞鳳  
 終日相追陪長夏無所為壘翹便築糟邱臺古今同一

體吾人甘作心似灰南方瘴厲地鬱蒸何由開永日不  
可暮渴心歸去生塵埃人生會合安可常如何不飲令  
心哀張公子時相見我能拔爾抑塞磊落之奇才只願  
無事常相見有底忙時不肯來

松棚

南山落千尺松干雲蔽日搖青蔥盤根錯節歲月古  
龍吟虎嘯號悲風北山文杏中梁棟我材臃腫非世用  
脩枝細葉幸有餘賴肩大束那辭送承以高竹青扶疎  
置君寬閒之玉除倏如亂雲駐車蓋恍似廣庭張拂廬

垂頭塌翼下孔翠張鱗擺鬣來鯨魚穿空入隙清飈吹  
疑有萬壑哀聲隨羲和按轡不馳騁炎官火傘將安施  
竭來投荒近循海日坐板屋如蒸炊南山蒼官憐我熱  
遺我七鬣千孫枝但令脩幹青多溫風烈日如予何  
再次洪上人雲巢韻

黃子厭喧求避俗直上孤峯結茅屋欲期汗漫游九垓  
俯視塵寰戰蠻觸小山招隱喚不回舊時從事有邊幅  
不能投筆學文鴛底用決科似張鷟自賦雲巢自高唱  
手握靈蛇螭魚自由來江夏多可人藍田片生美生

要須青山頂上行去伴白雲簷下宿西湖窟穴對華椽  
肯把蘭亭比金谷

板屋

西方板屋詩所錄甌閩萬里同風俗風吟日暴雨所沐  
巧匠引繩如解玉谿民得之亟乘屋既輕且堅尺度足  
可憐童我南山木君不見曹瞞鄴下銅雀臺陶土作瓦  
何壯哉臺傾基平瓦尚在鑿為大研竒且瓌君不見黃  
州使君誇竹樓剖竹俛仰相綢繆琮琤最宜雨中聽擊  
考有類鳴琳球銅雀么糜何足摹籜龍燥輕易焚如不

如杉屋壽且妹風雨不動何渠嗟予抱學謫蠻地如  
人體垢欣解衣數椽破屋亦不惡仰見星宿相叅差鴟  
鴞作室庇風雨鷦鷯巢林安一枝凌雲大厦鬼所窺衡

門之下可棲遲

黃州有竹樓  
王元之所作

次陳州

一水縈回索駝項百丈遙牽如簸掌鷓鴣捕魚沒復出  
鷺鷥行沙俯還仰白雲思我白頭親雙足未到心先往  
黃昏擊我危臺邊飯糗羹藜莫惆悵

五言律

次李少微韻

春風楊柳岸寒食杏花村對月驚生魄思人暗斷魂我  
閒無吏考君治有司存又作奴、別相逢席未溫

次韻和王張贈別之作

五言聊贈別二妙送將歸立馬然莫敏爭鋒齒鋸機日  
將秋共晚人與鴈俱飛去住加餐飯新霜點客衣

次師川韻

與君城北寺取次對牀眠坐即棊中隱時逃醉裏禪相  
招從白社不擬問青天但有加餐飯無田亦願年

卧疴非傲世背俗信畸人無復少年事偶隨肥馬塵靜  
便門掃軌懶任草如茵近滯江山勝心將魚鳥親

次瑛上人懷汪彥章韻

君雖四禪侶自是一詩家白足濯蛟井清風振龍沙虛  
室無長物多文富生涯懷人有新作粲、菖蒲花

次韻師川題余荀龍壁間三首

青鏡磨秋水紅衣退藕花竭來尋五柳端欲問三車濁  
酒休論限浮生定有涯比封十戶竹鼓吹一湖蛙  
高文腸是錦妙句筆生花松竹開三徑詩書載五車曲

湖鄰賀監複壁笑玉涯海若應憐我貽書問井蛙  
我來占食指客至卜燈花但祝加餐飯何勞問頰車交  
情真莫逆秋興浩無涯姑置人間事紛々祇聞蛙

喜雨

日：望南山朝濟解我顏雲垂四天外雨灑一林間枯  
涸微瀾動旱苗生意還慙祝屏翳莫為遠人慳

次師川韻喜雨呈彥章

綠塘深漲雨紅芰靜舒花卧上三竿日晴喧兩部蛙老  
饕餮猶善飯水厄怯逢茶擬到新池畔來尋謝客家

登高能共賦好雨故催詩階草卧青軟畦苗垂綠滋夏  
深飛燕靜秋近候蟲知寄語耽吟客可無新句為

次韻和彥章池上之作二首

官間發興清水遠覺空明玉局思無限青蘋風自生魚  
荷翻暮色蟬樹帶秋聲雲黑斜陽外遙知雨又晴  
水檻涼秋好風林初日明屏間青嶂合鏡裏白雲生茶  
試旗槍色蛙添鼓吹聲瘦筇聊復倚遠水步新晴

題雙林寺

幽谷雙林寺荒郊得遠尋銀鈎遺墨在筆諫慕賢深徒

倚千山晚坐愁三日霖枯基園白黑聊復費光陰

潘延之挽詞

肥遯攀巢許幽光燭斗牛長公辭漢世孺子隱南州閉  
戶荒三徑細書綜九流欲尋高士傳端向古人求

次韻和元禮

湖海沙鷗性山林霧豹文龍蛇爭起陸羔鴈看成羣玉  
石無緇磷芝蘭自苾芬韓康不二價女子會知君

容膝軒

烏隼經行處蝸牛窈窕深會稽雖奉計彭澤自無心禪

寄跣趺坐風披徒倚襟莫言容膝地不廢掉頭吟

送張元幹

自昔張平子愁來賦四愁行看車馬客坐覺歲時流明  
月江山夜候蟲天地秋怪君有底急不肯少遲留

嘲偷兒

長卿惟有壁囊橐自無錢金盡何勞攫墉踈豈待穿未  
能拋鼎祿猶復戀青氈梁上休驚墜飢寒亦可憐

書懷

北闕書休上南窻膝易安道肥知戰勝歸約已盟寒委

吏無麟筆迂儒置蝨官所須升斗水肯沃鮒魚乾

又和師川同集章江寺二首

鹿苑江南寺龍沙城北遊脩椽雲自侶返照雨還收  
禪塵尋支遁碁枰對奕秋還家真復樂何必遠封侯  
興廢尋荒徑逢窮見寶坊隨宜聊復飽觸處得追涼  
取友真濠上懷人向渭陽不嫌茶七椀殊勝酒千觴

口占贈何秀才

何郎閩越英疇昔昧平生邂逅同衾宿夷猶共舸行  
繁臺半牀夢賴上一篙清俄頃膠投漆難忘此日情

次韻李商老贈李少魏

誅茅蓬竹君拂匣見桐孫囊篋深傾倒鐘彝細討論  
只今仙李後好事阿髯存不厭敲門客時開炙背軒

題泐潭院

平生麋鹿性名山恣幽尋歷盡崑壑奧始聞鐘梵音  
中多不凋木上有自呼禽許稅俗士駕茲焉聊洗心

再遊泐潭院用前韻

石門久寒盟茲遊得重尋靜契祖師妙清聞山水音  
長閒羨老衲幽思愧鳴禽可怕移文劾沙鷗知我心



次韻陳使君詠霰雪三

天幙垂雲合山屏擁雪飛揚公田種玉淵客淚成璣點  
綴添梅萼飄零亂羽衣清溪橫一葉併載月明歸  
蕭灑宣城守揮毫雪共飛山川映重壁咳唾聞明璣佳  
氣籠寒谷歡聲抵襲衣霜臺如不踐粉省定須歸  
敷牀初屑、入夜故飛、拭處渾拋粉揉來亂擲璣銀  
蟾分玉堂雲絮借天衣地席橫陳處晨曦未得歸

老圃集卷上

老圃集卷下

宋 洪芻 撰

七言律

和郭功甫題客館韻

容膝柴扉覺易安  
數椽喜枕寺東山  
鴈飛不到吾來此  
燕亦知歸客未還  
夢斷霜鐘年欲晏  
愁聽蠻鼓鬢先斑  
自公退食門長掩  
未必隣僧似我閒

翠嶺道人詩  
貓頭竹生大筍十餘調  
護甚謹為予  
從者髡盜殆盡戲作長句解嘲

老圃集 卷一  
觸藩大筍闖貓頭竊屨真成從者廖山鹿恰看逢角解  
籀龍端有剖胎憂因供蒲塞桑門饌殊勝渭川千戶侯  
飜恐癡兒癡點半為君淨盡破除休

歸自西山至黃槐港口

衝雨穿雲愁去路歸雲閣雨路還通七層涌壙瞻天際  
三徑吾廬在眼中港轉黃槐橫野艇里空白社漫春風  
青山送我寧辭逐流水隨人亦欲東

次山谷韻

妙峯宛在水中央上有莊嚴清淨坊袈衣盤礴蝸牛角

法窟窈冥獅子牀萬象森羅一拳石千頃汪洋百谷王  
不減乘槎到牛女擬取支機問下方  
寶石崢嶸佛所廬經宿何年下清都海市樓臺湧金碧  
木落牖戶明江湖千波舂撞有崩態萬棟凌壓無完膚  
巨鼇冠山勿驚走欲尋高處唾明珠

陪陳使君宴南山亭

曉露無塵夜雨收日光穿漏起公遊煙花淡蕩連三里  
雲樹低迷翠一州周轉卧龍春色到氣橫野馬夕陽愁  
林間新火明雙炬歌舞南山最上頭

次杜公韻

杜郎得飽肥如瓠怪我秋來大瘦生時輩不應推翰墨  
論文時許過柴荆朋友結綬非能事身世靈丹豈易成  
幽徑新涼約微步晚風含樹有蟬聲

次韻李商老見懷之什

一日思君劇九秋平生問事賈長頭郵傳頗怪時來晚  
牧癢遙憐筆不休王孫莫問投書渚芳草空迷谷鹿洲  
望斷西山三盡處雲居何處只空愁

次韻閱道見貽之句

獨來深樹初啼鳥幾處高枝已嘒蟬坐久每將碁作隱  
晝長還覺日如年醉鄉彭澤陶元亮句法襄陽孟浩然  
聚散悲歡皆夢幻南柯同寄曲肱眠

次李元亮韻

邂逅何曾十日飯乖離細數七年違鄴侯廟下相逢處  
揚子橋頭握別時猶喜夫君誦新作自憐衰病豈能詩  
平生流水高山意綠綺朱絃付子期

次李少微韻

紫芝眉宇久不見趨來老眼快雙明春光駘蕩遽如許

詩骨崢嶸太瘦生書蠹研埃無復理烏啼花落亦闌情  
客兒起我風騷興敢與羊何並得名

次顧子美韻

幕府優游兼吏隱華陽真逸詎應漸定知爽氣供行路  
怪有新詩成立談晚日碧雲人未至西風紅樹我何堪  
幽懷踈豁憑佳詠飲德餐和飽且酣

次韻謝無逸送謝幼槃

康樂風流鴻鴈行眼中文物敢唯黃相逢草：來何暮  
索去忽：作底忙尚卧東山高謝傳亦憐白首老馮唐

只應飲酒稱名士不用離騷詠九章

題雙桂亭

燕賀羣飛稱虎符銀鈎薨尾映金鋪訟亭留得棠陰在  
月窟遙憐桂影孤故郡每懸高士榻新居兼愛丈人烏  
雕磨才思無佳語可許江山借助無

將至潁上

賣馬得錢買舟去拋擲紅塵泛綠波梨栗登盤黃菊晚  
江淮放艇白鷗多霜飛鴻鴈有底急月明烏鵲奈愁何  
女兒浦口渺何處且向女郎臺下過

次韻和城道人山中即事二首

香城高絕刺春寒桃李青  
一破顏俗子車塵隨水遠  
野僧心事與雲閒  
花從風雨飄零去  
寺在煙霄縹緲間  
往日尋源到幽處  
至今猶復夢潺湲

沙白澄江  
上山帶青  
百里染層巒  
欲尋丘壑何當往  
擬挂塵冠不復彈  
邂逅三春還徑去  
軒渠一笑有餘歡  
野人妙手應猶在  
政爾揮斤斲鼻端

同蘇伯固遊東山寺

五里來尋祇樹園  
寒蟬鳴  
葉紛  
田間壞衲僧收稻

天外奇峰山作雲  
半榻華胥聊共寄  
一盃香積許同分  
迎天返照不無意  
送客殘鐘猶自聞

遊東禪寺

閒說巖隈閔寶坊  
後車無客自徜徉  
人如冬日熏肌暖  
句與宮梅觸鼻香  
隨蝶未容尋汶上  
觀魚且喜得濠梁  
夢魂飛過水東去  
落日寒山一帶長

野迥高亭眼倍明  
悠々芳草古今情  
酒兼賢聖醒還醉  
風有雌雄雨復晴  
嫩綠連天誰與染  
殘紅擲地自無聲  
岡回溪轉藏嵩寺  
歸路蕭蕭聽馬鳴

又陪陳使君遊東山寺

暉、麗日旆悠、千騎班春古寺幽篆破高青知野火  
點紅橫綠掠沙鷗微行曲折如羊坂亂石崢嶸似處丘  
暮靄餘霞趣歸興溪魚林鳥自遲留

城裏芳菲盡破除更攜賓從出東郭桃憑苦雨收紅糝  
李借風光耀雪珠碧水橫隄春澹沲石門弭蓋步踟躕  
細看名字蒼崖畔點檢而今半在無

雪

越犬舊聞冬吠雪闔天今見雪中梅朔風掃蕩宿霾盡

苦霧驅除霽色開情共酒盃渾不淺心隨爐炭欲成灰  
我來正落黃茅後茅未黃時儻得回

何君挽詞

萬里空悲赤壁秋九原邊有白楊愁鳳毛並作人間瑞  
玉潤俱隨地下遊已躍龍津隨化劍難憑夜壑覓藏舟  
遙知會葬車千兩苦雨瀟、迸淚流

宴城上亭呈閔道

山圍水繞思悠哉斲向登臨勝處來密坐已霑神女雨  
歸軒更借阿香雷笙歌入耳眉還舞鄉縣牽情首重回

老圃集 卷下  
敏捷隨時豈無興君賢揚子我慙枚

晚宴南禪寺呈使疊前韻

隔年暫到鶯將老此日重陪燕始來雲傍熊軒飛好雨  
山移鼉鼓作輕雷踏青女伴春衫濕浮白賓筵舞袖回  
可是元暉方在郡尊前能賦魏都枚

七夕前二夕同二僧追涼寺門

高樓傑閣對宮堯滴露流螢夜寂寥剝啄叩門知有興  
從容拂榻慰無聊殿藏北斗惟看柄松礙南山不見椒  
乘月儻能同步履杖藜逶我莫辭遙

同師川商老追涼徐賢亭

抖擻三年異域塵還將衰鬢照湖淪田田亂葉如迎客  
潑潑跳魚似畏人機事已忘來白鳥雄風暫起有青蘋  
九原理玉雖千載追想高懷迹未陳

送師川還龍舒

滯獄西山各滯留江頭相遇話神州送君歸去還為客  
破涕成歡轉復愁明月東湖人已散朝雲南浦水流空  
郎官好在能乘興準擬歸驄踏素秋

送李仲特



賓客願見韓荆州  
部曲猶思郭細侯  
可是孔鸞垂塌翼  
行看騏驎踏長楸  
謝公已蠟登山屐  
范蠡難維泛海舟  
當復睽離還惜別  
山中猶得從公遊

冬日遊宣巖

殺鷄為黍見交情  
步履扶藜向此行  
剖竹取泉來滴瀝  
疏岩剔藪到崢嶸  
一輪涵碧磻溪鉤  
千穗垂黃谷口耕  
白水青應笑我抗  
塵走俗媿平生

次友遊宣巖韻

攀躋來借一枝筇  
幽討深行極半峯  
路側似逢居士屨

歲寒空老大夫松  
林間突兀森蹲虎  
門外坡陀偃卧龍  
引水作簾真酷以  
涓之初不異秋冬

謝楊崇送酒并口味

剝啄叩門驚晝夢  
遙知酒客寄新詩  
官醅濃潑鴨頭綠  
雕俎香蒸牛尾狸  
黃雀披綿為誰好  
青州從事與君期  
真成爛醉頽然卧  
兔走鳥飛了不知

再用前韻答李高老

江南暮春鶯亂飛  
平章風物憶丘遲  
蒼苔寂歷荒三徑  
綠樹扶疎又一時  
漢陰人少機事草  
堂先生能寄謀

交新咫尺不相見汗漫九垓那可期  
聞說新樓冠舊名國人縱觀一城傾  
層巖迥出晴空外美景還將樂事進  
潭底魚龍驚側影梁間燕雀賀前楹  
他年秋夜堪乘興小坐匡牀待月生

次元禮題余詩卷後韻

異域三秋百感生愁腸一日九迴榮  
每聽足音聊聚笑慙教覓句解憂醒  
從來魯衛如兄弟頗覺何劉謾舅甥  
勝處欣然真得計文窮詩瘦祇空名

次韻徐師川喜余來還之作

謫去鬢經牛斗分歸來重賦豫章行  
領原悽斷手足戚隴水悲傷甥舅情  
半世問津今老大一邱散髮得生平  
長卿句法鋒難犯隱若蒙公萬里城

次曾元禮韻

卧龍山下阿蘭若漠漠烟城楚水西  
肯共扶筇同散步來尋負郭慰卑棲  
曲肱睡穩門常掩促膝談深日已低  
他日相過如卜畫南窻就我共羹藜

席上次張法曹韻

山城腸月盛江梅底用花奴羯鼓催  
密炬暗隨殘漏盡

水肌巧開一枝開已聞珠貫停檀板未許蔥根近玉盃  
多謝主人能卜晝幽花未落更重來

寄楊崇索酒

重九遙思楊執戟菊花滿地漫龍沙欲作山中醉平日  
不送蒲州酒一車秋至苦吟如促織書成滿紙似昏鴉  
蜀江儻有南來鯉莫寄盧仝七碗茶

宿翠巖寺呈馬彥若徐師川

不到翠巖如許久揭來聊復破春愁已聞高士徐孺子更  
約平生馬少游夢裡鐘聲驚客枕靜中玉子落紋楸非

闕風雨留連我要作山間十日留

萬松亭用蘇黃舊韻

夾道蒼官似異時我、冠劍想秦儀雲垂車蓋尋前路  
風送濤聲入舊枝故作虬龍驚俗眼不妨霜雪弄妍姿  
難追急景遼天鶴無復當年校尉詩

聞東湖上荷花盛開畏觸熱未得往

五賢祠下古城隅一昔來遊儼畫圖傳道荷花映荷葉  
只今東湖連北湖想見波間浮屬玉誰撐艇子入菰蒲  
欲將鼻觀偷香去火傘炎官不貸吾

示子

太學何蕃久不歸十年甘旨誤庭闈  
休亂客路三千遠須念人生七十稀  
腰下雖無蘇子印篋中幸有老萊衣  
歸期定約春前後免使高堂賦式微

還張閱道文編

只今天上張公子邂逅論文得琢磨  
顧我筆端無綺麗愛君胸次粲星羅  
嘒嘒元白何勞壓卓犖曹劉不啻過  
魚目砒砒空自愧敢將光價敵隨和

題雲居寺詩

雙澗遠輸功德水四山深闕法王家  
曲肱聊寄吉祥卧緩帶來嘗安樂茶  
亦有同行木上座初無引路鹿銜花  
孤峯頂上却歸去回首冥冥雲霧遮

寄贈王允歎

楚俗機祥古所尤迎神簫鼓沸香湫  
真成娶婦諛河伯亦有韓生笑沐猴  
毀校可無東里子斬巫誰是左黃州  
詎知恤緯非廢事白屋何妨肉食謀

潘子真用慳字韻歡香城人葺陳陶書堂因和之  
一宿層城飯香積六年清鏡改朱顏  
陳陶仙去書堂壞

羅幙塵生春晝間每向山頭望城裏直疑天上非人間  
可能分我尋常地抹月披風想不慳

冷：野水脩：寺矗：高峯疊：巒開伴禽魚宜石反  
靜聞山水奏清彈難招靈觀追陳跡好在湯休接古歡  
開士未應文士後病夫端欲避三端

呈潘延之丈

黑頭異日挂冠歸親植杉松見百園間過一生從古少  
兼全五福似公稀手抄萬卷筆猶健身倚孤筇行若飛  
寄語輕鷗莫驚顧南州高士已忘機

呈彥章

塞翁失馬吾何有濠上觀魚每自慚探袖空漫彌衡刺  
叩門徑就阿戎談但思濁酒同元亮底用清談學仲堪  
回首世間皆苦累蟻封蝸角戰方酣

次韵和南山即事呈使君

鳥啼花落奈春何謾道春光特地多不見錫簫寒食後  
暫陪觴詠惠風和竹衫爭醉豐年日瓦鼓仍聞載路歌  
五馬來嘶莫愁雨滿堂冠弁共峩峩

再用前韻呈閣道

把闌擊柝何為哉田園將蕪歸去來雄辨接公如豁霧  
清狂誚我作顛雷顛如雷見南史朋歡已許膠投漆光價無容  
賜望回欲整羸師聊一戰知君豈復事鄒枚

次韻和人詠雙葉蓮

花盡紅銷子結房並垂荷葉是何祥風吹嫋能浮蓋  
雨打田田更發香盪漿可無雙解艇照波不羨雨鴛鴦  
怪來下客詩濤涌知有騷人為濫觴

飲汪彥章池閣見龍挂

避暑追涼許近尋君家池閣爽煩襟密雲不雨龍挂尾

落葉辭風蟬噪林許遠清灣淨如拭沒多紅芰意能深  
圍棋爭道未得去遮莫城頭西日沈

次韻閔道見貽

地偏袖舞長沙窄心遠胸通夢澤寬遠夫比隣秋屋靜  
稍親燈火夜窻寒乘雪妙在思黃鶴寫韻遙知有彩鸞  
四海弟兄傾意氣鴻妻萊婦有餘歡

贈張道聖

曲江忠蓋藹前修晚歲差遲恨未休鼻祖聲名高嶺海  
耳孫詩禮尚風流眼中韶石還家夢客裏西山脫葉秋

示我開元餘翰墨懷賢撫事却成愁

同師川至李氏涵虛閣

闌暑追涼得佳處筍輿乘興入萋蓬乍停西嶺三秋雨  
得借東湖一曲風江上帆檣來雉堞波間荷芰沒鳧翁  
後車孺子賢孫在弔古徘徊返照紅

人日

偶逢人日強裁詩身在異鄉多所思天氣暖如寒食後  
桃花酷似暮春時溪毛入饌光浮筍雲子新炊滑溜匙  
鮮酒百錢能得醉儻尋佳處一伸眉

五言絕句

悠然齋

可到羲皇上不離方丈間初無盈把菊盡日對南山

六言絕句

臨川即事

峴臺著色山水南湖卷畫池塘欲買浮家泛宅箇中端  
立迷藏

覓句翻經靈運臨池學書右軍誰知麻源三谷頓有一  
雙玉人

廟有魯公遺像堂餘玉茗高華零落銀鈎欲折摩挲螭  
首興嗟

七言絕句

次陳使君韻三首

釀雨濃雲鬱不開絳英素蘂半蒼苔不因早蓋班春去  
誰喚青衫老吏來

循吏三年借冠君賓筵春事一番新中山自可銷千日  
河朔寧須泥十旬

暖日和風似酒醺提壺鳥語苦淹人傳聞已有小時代

誰與東山管轄春

道中即事八首

五日塵沙十日泥杜鵑苦勸不如歸暫來還去雲相似  
我亦無心出岫飛

十年不踏關山道千里來尋長短亭煙水照人頭欲白  
雲峯見我眼猶青

兜羅輸柳幾多綿獨繭抽絲颺遠天賞斷殘春是榆莢  
亂拋無數沈郎錢

筍輿沙路袂衣輕小雨斑斑落又晴三月盡頭穿嶺去



萬松陰裏踏沙行

春風嶺上春風顛杜鵑花下啼杜鵑  
花開花落春事晚  
歸歟當及秋風前

萬里將雛西北飛江淮倒影弄差池  
雲天空濶稻梁少  
却羨鷓鴣巢一枝

穿雲高入雙峰寺面壁難追四祖禪  
香積喜逢蒲塞饌  
拂牀聊寄吉祥眠

三月東風池上頭魚龍漫沒戲仙舟  
我來稅駕亦未晚  
後乘儻追公子遊

偶成

翻經靈運推不去爰酒淵明挽不來  
無復種蓮人作社  
空餘寫影佛成臺

戲酒官

吏部甕間應爛醉淵明籬下祇空盃  
徑須道士常持滿  
拉取青州從事來

次韻和張掾遊新泉三絕句

北山石竇冽寒泉森木清陰拱外塹  
試酌祇園八功德  
醍醐灌頂想欣然

水之美者三危露  
邂逅清甘一勺同  
兩客攜茶煮湯鼎  
歸來應御玉川風

山色何如水色幽  
暮聲不亂葉聲愁  
斧柯未爛君歸去  
白日桑榆不我謀

從璉長老借書

折軸南來書五車  
韋編貝葉映窻紗  
老禪不用鎖故紙  
借與書人遮眼花

跋橘帖二首

蘇州句法追彭澤  
九日題詩興有餘  
可是門生藏橘帖

不勞博物見新書

右軍一字價連城  
斷簡殘章尚典型  
坐獲驪珠三十九  
絕勝辛苦賺蘭亭

戲余天申

十年不見君如許  
一日相逢我便傾  
結綬合為金馬客  
裁詩已至玉谿生

賈誼洛陽推最少  
相如蜀郡更多才  
異書且覓金樓子  
俊采空歸玉鏡臺

席上口占和使君韻二首

早蓋朱轡駐水濱芳菲雖晚景猶新何妨綺席三千履  
不負陽春十二旬

鷺歌蝶舞更紅裙端與東山作主人竹馬兒童扶杖老  
爭隨千騎去行春

松棚

先人手種一川松為棟為梁似未中只合茅齋聽驅使  
為公六月喚清風

或遺揚州芍藥者用元韻二首

似與風光殿後塵序、紅豔遠看人既能障下嫣然笑

移取雷塘十里春

可堪春恨似悲秋把酒醺愁轉益愁飛盡柳花憐逐客  
始知春色到汀洲

次韻絕句

子猷愛竹真成癖愛菊淵明懶是真籬下想通三徑入  
林間誰許七賢親

戲荅王雍

臨池端欲寫黃庭籠贈鶯羣重有情我亦年來無復殺  
不應怪我太憎生

中秋戲趙公子

南國佳人翠自顰  
西山爽氣我相親  
只應此夜團圓月  
偏照寒窗獨宿人

茶花

萬卉千葩畫不如  
芬芳合比白雲腴  
應憑巧絕傳神筆  
幻出江南沒骨圖

局中即事用壁間韻

老屋疎窻窈窕深  
鋪松縛竹作清陰  
數竿風篠天然笑  
知有此君知我心

無人盡日鳥闌干  
只許清風伴我閒  
縱復思歸未得  
婆娑詩酒破愁顏

始年四十二首

門換桃符官落拓  
酒傳婪尾歲侵尋  
朱顏已逐年華改  
只有胸中不動心

學詩未後高常侍  
獻賦猶先杜拾遺  
摘句搜章紙底用  
求田問舍悔全遲

曾內相以絕句還予詩卷和其韻五首

梅生養性來闕市  
賈傅隳官弔汨羅  
敢過雷門誇布鼓

輒將魚目換隋和

月旦平生精藻鑑短章七字粲星羅銀鈎蠶尾爭輝媚  
豈減蘭亭叙永和

紫微光皎垂星斗內相詞華麗蜀羅願乞金丹換凡骨  
坐令文物壓元和

李膺此世龍門坂得士初非一目羅牛鐸黃鐘或同調  
豈無宮徵配鸞和

世味著人濃似酒交情向我薄於羅古今混二東流水  
聽取踏歌藍采和

小桃晚發

深二淺二小桃枝苦被蠻風瘴雨欺莫恨春工開最晚  
却應孤豔落還遲

東風不識桃花面惆悵多愁足病身青帝也應憐逐客  
小窻故刺一枝春

戲贈僧庵二首

海棠紅映梨花白拄杖芒鞋遠屋簷深樹提壺空好語  
無人沽酒送陶潛

風枝雨葉春無賴石徑芳筵晝不開綠竹笋高人未覺

紫荆花謝我重來

老圃集卷下

國家圖書館, NATIONAL CENTRAL LIBRARY, TAIWAN, R.O.C.

